

政和五禮新儀

二九



欽定四庫全書

政和五禮新儀卷一百三十六

賓禮

大慶殿元正冬至大朝會儀上

闕

政和五禮新儀

政和五禮新儀卷一百三十六

欽定四庫全書

政和五禮新儀卷一百三十七

賓禮

大慶殿元正冬至大朝會儀中

闕

大聖宗元五冬至六時會中

寶鼎

政和五禮新儀卷一百三十七

政和五禮新儀卷一百三十七

欽定四庫全書

政和五禮新儀卷一百三十八

賓禮

大慶殿元正冬至大朝會儀下

上壽

有司排設備大晟府設登歌於殿上立舞表於鄮綴之間尚醞設壽尊於御座之東稍北設坫於尊南加爵一

尊坫爵皆以御前金玉器充

尚食設御牀於御座之西稍北有司設羣

官酒尊酒器於殿下又設羣官座三公三少左輔右弼  
 太宰少宰在御榻之東稍南門下中書侍郎尚書左右  
 丞在其東次特進觀文殿大學士太子三少觀文殿學  
 士資政殿大學士六曹尚書金紫銀青光祿大夫翰林  
 學士承旨翰林學士資政端明殿學士龍圖閣學士左  
 右散騎常侍太子三少以下稍却尚書以下又稍却次開封尹六曹侍郎  
 直學士次宣奉正奉正議通議通奉大夫大司成太子  
 賓客詹事給事中中書舍人通議大夫左右諫議大夫



侍制太中大夫太常宗正卿次廂都指揮使軍都指揮

使又在其東並西向北上太子三師在右丞之南御史

大夫在常侍之南中丞在直學士之南各少並西向北

上親王使相在御榻之西使相稍却樞密在其西次節

度使次留後觀察使次廂都指揮使軍都指揮使又在

其西太尉在樞密之南左右金吾衛左右衛諸衛上將

軍在節度使之南諸衛上將大遼使副使在將軍之南

軍稍却

比節度使稍却防禦使團練使刺史在軍都指揮使之

副使又稍却

南各少空並東向北上秘書監至朝奉大夫並夏國使副

在東朶殿量地布座少卿以次升至朝奉郎如尚書有餘席以次升官多郎遷益損於廊上夏國使

副在南諸軍都虞侯在其東並西向北上如東朶殿百楹間官員多郎併

在西宗室遥郡團練使以上外官大將軍至副率并高朶殿

麗交州使副在西朶殿高麗交州使副在南楹間諸軍都虞侯在其

西並東向北上文臣通直郎以上在東廊諸軍正副指

揮使在其南次諸方及海外蕃客如止一國次夏國人即在西廊

從又在其南並西向北上諸軍正副指揮使在西廊大

遼人從在其南次諸方海外蕃客次高麗上中節次交  
州職員又在其南並東向北上東閣門客省四方館承  
受御史臺知班太常寺禮直官舍人引三公宰相親王  
使相宗室文武百僚諸方及海外蕃客并人從等各就

位

三公親王以下分東西相向序立諸方及海外蕃客  
在大遼人從之西高麗上中節人從在蕃客之西交

州職員又在其西並北向東上夏國人  
從在宮架東南蕃客之東並北向西上禮直官舍人先  
引左輔版奏中嚴少頃又版奏外辦皇帝服通天冠絳  
紗袍簾卷大樂正令撞黃鐘之鐘右五鐘皆應內侍承

旨索扇扇合殿上鳴鞭皇帝御輿出東閣協律郎跪俯  
伏舉麾興工鼓祝宮架奏乾安之樂皇帝出自東房降  
輿即御座南向簾卷內侍又贊扇開殿下鳴鞭戛鼓樂  
止爐烟升禮直官通事舍人引班首以下橫行北向

西省官學

士侍制上將軍以下  
依舊東西相向立

典儀曰拜贊者承傳在位官皆再

拜隨拜三稱萬歲引班首以下分班東西序立禮直官  
引殿中監少監升殿詣酒尊所次禮直官舍人引光祿  
卿詣橫街南承制位北向俯伏跪奏稱光祿卿具官臣

某言請允羣臣上壽俯伏興躬禮直官舍人引左輔詣東階東上閣門官接引升進御榻前躬承旨退臨折檻稍東西向曰制可左輔少退舍人曰拜光祿卿再拜訖贊祇候復本班內侍進御茶牀次殿侍於橫街南酌酒訖禮直官舍人引三公親王以下橫行北向典儀曰拜賀者承傳在位官皆再拜隨拜三稱萬歲禮直官通事舍人太常博士引上公自東階升詣酒尊所北向殿中監以爵授上公上公搯笏受爵詣御榻前少東西向立

尚醞典御開爵殿中少監注酒於爵訖

凡進酒皆典御開爵殿中少監

注酒禮直官太常博士東上閣門官引上公升榻詣御座

前躬進皇帝執爵上公執盤虛跪興降榻以盤授殿中

監上公執笏詣御榻前俯伏跪百僚皆躬奏稱文武百僚上

公具官臣某等稽首言元正首祚冬至云天正長至臣等不勝

大慶謹上萬歲壽俛伏興百僚直身立引退降階復位典儀

曰拜贊者承傳在位官皆再拜三稱萬歲躬禮直官引

左輔詣御榻前承旨退西向宣曰舉公等觴典儀曰拜

贊者承傳在位官皆再拜隨拜三稱萬歲引班首以下  
分班東西序立禮直官通事舍人太常博士引上公自  
東階升至殿中監前北向播笏受盤升榻詣御座前西  
向立皇帝舉第一爵宮架作和安之樂飲訖樂止上公  
受虛爵訖虛跪興降榻以爵授殿中監訖執笏引降階  
班首以下復北向位立定典儀曰拜贊者承傳在位官  
皆再拜播笏舞蹈又拜

宗室遙郡刺史及武功大夫以  
下并伎術官並退門外賜酒

禮直官舍人引左輔自東階升進御榻前俯伏跪奏稱

左輔具官臣某言請延公王等升殿俯伏興降階復位

次引左輔詣御榻前躬取旨西向稱有制典儀曰拜贊

者承傳在位官皆再拜宣曰延公王等升殿左輔退典

儀曰拜贊者承傳在位官皆再拜搢笏舞蹈又拜禮直

官舍人引公王以下升殿兩廊羣臣並立於席後殿中

監升榻詣御座東西向進皇帝第二爵酒第三第四爵進酒並如上

儀上進酒舍人臣僚起立席後進酒訖贊就座登歌奏某曲元正冬至上壽登歌曲名樂章並每

年命詞臣取歲中所有祥瑞飲訖樂止殿中監受虛爵撰第二第三第四爵並同



殿上羣臣就橫行位不升殿者於席後立舍人曰各賜酒舍人曰拜贊者承傳上下羣臣皆再拜隨拜三稱萬歲舍人曰就座羣臣皆坐太官令行羣官酒羣臣搢笏受酒宮架作正安之樂文舞入立宮架北觴行一周凡酒

巡周並太官令奏

宮架奏天下化成之舞三成止出殿中監進

皇帝第三爵酒羣臣立於席後登歌奏某曲飲訖樂止殿中監受爵舍人曰就座羣臣皆坐太官令行羣臣酒宮架作正安之樂武舞入觴行一周樂止尚食典御奉

御進食置御座前太官設羣臣食宮架奏四夷來王之舞三成止出殿中監進皇帝第四爵酒登歌奏某曲太官令行羣臣酒並如第二爵之儀觴行一周樂止舍人曰可起羣臣皆立於席後禮直官舍人引左輔詣御榻前俯伏跪奏稱左輔具官臣某言禮畢俯伏興羣臣俱降復位立定典儀曰拜贊者承傳在位官皆再拜搯笏舞蹈又再拜訖分東西序立內侍承旨索扇扇合簾降鳴鞭大樂正令撞蕤賓之鐘左五鐘皆應協律郎俯伏

跪舉麾興工鼓祝奏乾安之樂皇帝降座御輿入自東  
房還東閤侍衛如來儀內侍又贊扇開扆啟樂止禮直  
官通事舍人引左輔版奏解嚴所司承旨放仗在位官  
皆再拜退宣詞令於橫街南慰勞將士隨詞逐句應喏再拜退  
次大晟府樂工退

政和五禮新儀卷一百三十八

欽定四庫全書

政和五禮新儀卷一百三十九

賓禮

文德殿月朔視朝儀

陳設

起居

陳設

前期殿中監帥其屬尚舍張設垂拱文德殿設御座於

文德殿當中南向設後閣於殿後施簾於前楹設香案於螭陛間儀鸞司設文武百官客使等次於朝堂之內外其日尚輦陳腰輿小輿於東西朶殿繖扇於殿下列馬於殿庭東西上閣門外金吾列張旗幟尚書兵部帥其屬列黃麾半仗於殿門之內外

起居

質明闢文德殿門文武百官各服其服客使等入就次先諸軍將校入殿庭立次四方館引諸蕃國首領閣門

引高麗交州使副次御史臺知班先引殿中侍御史就

位

起居注在殿庭之南

次引起居郎舍人夾香案對立

起居郎西向舍人東

向次閣門引伎術及武功大夫以下次知班引百官至

開封尹次兩省官次節度使至刺史上將軍至率府副

率次御史臺官次學士侍制次太尉次一品二品文官

俟垂拱殿起居將畢引贊官閣門舍人引三公以下至

執政官入三公三少左輔右弼在橫街之南稍東太宰

少宰在其南尚書左右丞又在其南俱北向西上門下

侍郎在右弼之北稍東西向左散騎常侍在其東次給事中右諫議大夫次左司諫外符寶郎左正言又在其東每等重行異位觀文殿大學士學士資政殿大學士翰林學士承旨翰林學士資政端明殿學士在左散騎常侍之南觀文殿學士資政殿大學士稍前觀文殿大學士又稍前並西向北上親王在橫街之南稍西使相在其南俱北向東上中書侍郎在親王之稍西北東向右散騎常侍在其西次中書舍人右司諫右正言又在其西龍圖閣學士以下在右



散騎常侍之南直學士在其西侍制又在其西每等重  
行異位並東向北上左金吾衛左衛左諸衛上將軍在  
橫街南黃道之東諸大將軍在其東率府副率又在其  
東俱西向北上右金吾衛右衛右諸衛上將軍在橫街  
南黃道之西諸將軍在其西率府副率又在其西俱東  
向北上特進在左右丞之南稍東六曹尚書至光祿大  
夫在其南次六曹侍郎開封尹至大司成

開封尹以下  
在六曹侍郎

之東少絕  
別為一班

次太常卿至中大夫次殿中丞少監次中散

大夫次七寺少卿至奉直大夫次左右司員外郎至朝  
奉大夫次六曹員外郎朝奉郎次太常丞至承議郎次  
開封知縣至奉議郎次大史局至通直郎又在其南御  
史大夫在光祿大夫之東中丞在其南次侍御史監察  
御史又在其南太子三師在御史大夫之東

與特進  
班齊

三少在其南次賓客詹事次左右庶子以下又在其南  
每等重行異位並北面西上太尉在特進之西

與特進  
班齊當

班節度使在其南次節度觀察留後觀察使次防禦使

次團練使次刺史次武功大夫以下至武翼大夫次武  
 功郎以下至武翼郎次敦武郎次修武郎又在其南每  
 等重行異位並北向東上通侍大夫至右武大夫在防  
 禦使之西少絕中亮郎以下至右武郎在其南和安大  
 夫以下至翰林良醫在武翼大夫之西少絕和安郎以  
 下至翰林醫正在其南並北向東上  
初至位先東  
西相向立翰林  
 醫官醫學在東班百官之後翰林待詔藝學在西班百  
 官之後軍員分位於黃道之東西俱北向  
在東者以西  
為上在西者

以東高麗交州使副分東西在百官之內初至位先東為上西相向立

諸蕃國在正副指揮使之後員僚之前夏國不赴如止一國即在西

垂拱殿皇帝將出宮讀奏日官在殿階之南六尚局應

奉典御奉御在其東少絕宣贊引班對立并引三公宰

相親王舍人在讀奏日官之南簿書官在其西少絕覺

察失儀提點使臣在其南並北向舍人以西為上簿書官以下以東為上

宣贊舍人立班前西向東上閣門附內侍進班齊牌皇

帝出宮守踏道行門禁衛諸班親從迎駕自贊常起居

皇帝服鞞袍坐鳴鞭讀奏目宣贊引班對立并引三公

宰相親王舍人簿書官六尚局應奉典御奉御大起

居讀奏目官升次知內侍省事以下四拜起居如殿上傳旨常

起居即讀奏目官以下至行門並常起居帶御器械官易窄衣帶器械知內

侍省事以下升東朵殿侍立次管軍臣僚大起居訖退

易窄衣執杖子以俟引駕至文德殿後次行門指揮使

四拜起居次引樞密以下大班入就位知樞密院事同

知簽書樞密院事在儀石之南北向東上知入內內侍

省事同知入內內侍省事在知樞密院事之東南知客  
省引進司四方館東司西上閣門事次閣門通事舍人  
次閣門祇候次看班祇候又在其南六尚局勾管官在  
同知入內內侍省事之東典御在其南奉御又在其南  
外監臨武功大夫在簽書客省事之西武功郎在其南  
次敦武郎次從義忠訓成忠郎又在其南每等重行異  
位內符寶郎在武功大夫之東並北向西上樞密都承  
旨  
在簽書樞密事院之西南承旨在其南次副都承旨

副諸房副承旨又在其南內監臨武德大夫以下至武  
翼大夫在武功大夫之西武德郎以下至武翼郎在其  
南次修武郎次東義忠翊保義郎又在其南每等重行  
異位並北向東上立定舍人揖躬通班贊大起居訖皇  
帝乘輦樞密樞密都承旨至諸房副承旨知客省事至  
簽書東上閣門官分左右前導餘並先退

文德殿兩朵  
殿侍立舍人

赴侍  
立位

輦降東階垂拱殿門外禁衛諸班親從迎駕自贊

常起居至文德殿後閣皇帝降輦入後閣樞密以下前

導官并帶御器械官分東西就殿上侍立位宣贊東上

閣門官以下並就殿下位立

宣贊東上閣門官在大班之北稍東西向贊拜於侍

立舍人前立宣贊舍人在宣舞閣門官之北對立舍人在其西並橫街之南北自對立餘舍人在橫街之北稍

東西向北上引班舍人在東西班首之北相向立贊殿中侍御史舍人在其班北向西上舍人傳警

四色官二人趨就殿下稱警東上閣門附內侍進班齊

牌皇帝出自後閣殿上鳴鞭禁衛諸班親從及輿輦下

應奉人鐘鼓樓節級以下迎駕自贊常起居

輿輦下人起居訖升

立 內侍承旨索扇扇合皇帝即御座簾卷內侍又贊



扇開殿下鳴鞭鑪烟升舍人就位贊殿內外執儀人四

拜起居次鐘鼓樓上雞唱次舍人揖殿中侍御史大起

居訖揖分東西由文武班後趨就對立位對立位在兩省分南與北

班齊次舍人引左右金吾將軍由東西黃道赴起居位大

起居引班首出班右金吾躬奏云軍國內外平安歸位

又贊再拜贊各祇候直身立揖分東西由黃道趨就押

仗位對立押仗位在繖扇南宣贊舍人退近南當庭中

北向立對立舍人退於西階下東向立引班舍人各揖

三公親王以下躬宣贊舍人通文武百僚宰臣姓名三公

親王等為班首通其官姓名親王不通姓以下起居引班舍人引班首以下

橫行北向兩省官學士侍制上將軍舍人揖躬東上閣

門官贊大起居引班首出班至儀石北俯伏跪奏云文

武百僚宰臣某官臣姓名等孟春之吉仲冬月同夏秋冬各隨月言

伏惟皇帝陛下膺受時祉與天無窮臣等無任歡呼抃

蹈之至俯伏興引歸位揖躬東上閣門官贊再拜播笏

舞蹈再拜贊各祇候直身立揖宰相執政官升殿並升自東

階中書郎宣贊東上閣門官隨升東階各歸侍立位餘

官卷班分東西由黃道出轉對門吏部左右選刑部侍

郎大理卿押伏殿中監各就位押仗殿中監在繳扇前

諫議大夫之南吏部左選刑部侍郎大理卿又在其南

為一列吏部左選侍郎在右諫議大夫之南與左選侍郎對立定左右選侍郎播笏出班藉出笏置藉笏上次

两省官奏殿內無事次侍從官次金吾衛上將軍以下

分東西由黃道出舍人引轉對官於奏事位立揖躬贊

拜門下侍郎進當御座前躬承旨退臨折檻稍東西向

立轉對官再拜引班首出班躬奏云臣等次當轉對所  
 有管見已詣東上閣門上進干犯宸嚴無任戰懼屏營  
 之至門下侍郎稱所奏知退還侍郎位引轉對官舞位  
 揖躬贊再拜隨拜三稱萬歲贊各祇候直身立卷班由

西道出

如已投文字後內員以故不赴即一員奏事如班首之儀若俱有故即不出班

次吏部

左右選刑部侍郎大理卿次殿中侍御史並對揖分東

西由黃道出

如班內有失儀官右班則左彈之左班則右彈之若左右俱有俟左彈訖復位次右

彈之如執政官以上有即左右合班班首出班奏彈若左右班及執政官以上同時俱有即皆合班奏彈如失

彈及自失儀者左右班互彈之即被彈者不得復彈元  
糾之人其奏彈准奏云班內有官失儀見別具奏陳餘  
並如轉對官奏事及  
門下侍郎宣答之儀次舍人引給事中於奏事位立揖

躬奏云殿內無事贊祇候由西黃道出次引起居郎舍  
人於奏事位立皆揖躬贊祇候分東西由黃道出內侍  
承旨索扇扇合簾降皇帝降座殿上鳴鞭內侍又贊扇  
開殿下鳴鞭至殿後升輦侍衛如來儀舍人當殿承旨  
傳四色官趨赴宣制石南稱奉敕放仗押殿中監金吾  
將軍皆再拜訖退各就次引文武百僚於殿門外階下

謝茶酒

奏事及侍立官免謝

皇帝垂拱殿坐三省樞密院及百僚

奏事如儀

稱三省者謂宰相門下中書侍郎尚書左右丞稱樞密者謂知同知簽書樞密院事自九

月一日至二月終過殿不引上殿班

政和五禮新儀卷一百三十九

欽定四庫全書

政和五禮新儀卷一百四十

賓禮

紫宸殿望祭儀

垂拱殿皇帝將出宮讀奏目官在殿庭之南宣奏引班

對立舍人在其南簿書官在舍人之西少絕覺察失儀

提點使臣在其南並北向

舍人以西為上簿書官以東為上通事舍人以下兼簿書

官者歸本班餘準此

宣贊舍人立班前西向東上閣門附內侍進

班齊牌皇帝出宮守踏道行門禁衛諸班親從迎駕自

贊常起居皇帝服鞞袍坐鳴鞭舍人先贊讀奏目官以

下大起居如殿上傳旨常起居讀奏目官以下至次知

內侍省事帶御器械官公服次御前忠佑馬步軍都軍

器頭以下次殿前都指揮使至諸軍副指揮使次駙馬

都尉係正位即歸本班次選前司諸軍員僚次宗室將軍以下

逐班先面西立俟班到橫行起居次行門指揮使起居

行事退大起居止四拜俟舍人南階下直身奏班絕皇帝降座鳴



鞭詣紫宸殿後幄排立諸班親從迎駕自贊常起居初垂拱殿起居班將軍紫宸殿樞密以下大班入就位知同知簽書樞密院事在儀石之南北向東上知同知入內內侍省事在知樞密事院之東南知客省事至知西上閣門事在其南次簽書客省事至簽書西上閣門事次閣門通事舍人次閣門祇候次看班祇候又在其南內符寶郎在簽書客省事之西六尚局勾管官在同知入內內侍省事之東典御在其南奉御又在其南通侍

中侍中衛左武大夫在知樞密院事之南稍東中亮拱

衛左武郎在左武大夫之東稍却每等重行異位並北

向西上觀文殿大學士學士資政殿大學士翰林學士

承旨翰林學士資政端明殿學士龍圖閣學士在簽書

樞密院事之西南

觀文殿學士以下稍却翰林學士承旨以下又稍却

直學士在

其南

與知入內侍省事班齊

侍制又在其南樞密都承旨直學

士之西承旨在其南次副都承旨次副承旨諸房逐房

副承旨又在其南正侍中亮拱衛左武大夫在簽書樞

密院事之南稍西中衛右武郎在右武大夫之西稍却  
每等重行異位並北向東上武功大夫在六尚局勾管  
官之東武功郎在其東次敦武郎次從義忠訓成忠郎  
又在其東和安大夫至翰林良醫在武功大夫之南少  
絕和安郎至翰林醫正在其東每等重行異位並西向  
北上武德大夫至武翼大夫在樞密都承旨之西武德  
郎至武翼郎在其西次修武郎次秉義忠翊保義郎又  
在其西每等重行異位並東向北上翰林醫學官在殿

庭南稍東西上翰林待詔藝學士在殿庭南稍西東上

皆北向

各視本班  
祇候稍却

宣贊舍人在班前西向對立舍人在

班前東向立定東上閣門附內侍進班齊牌皇帝御紫

宸殿坐鳴鞭宣贊舍人揖樞密以下躬與對立舍人皆

北向通班大起居訖再鳴鞭樞密直學士自西階升殿

侍立知引進司東上閣門官以下殿庭東西向侍立若無

進奉引進  
司官先出宣贊舍人各歸位餘官分班出次東上閣門

官引親王就位揖躬進

如大起居揖而出餘準此若殿  
上傳旨常起居即親王以下至

馬步軍員僚  
並常起居

次馬步軍都指揮使至諸軍副指揮使次

開府儀同三司

宗室在班  
前別班入

次馬步軍員僚起居訖三公

以下文武百僚門外序班立定先殿中侍御史入側宣

大起居訖分班歸覺察位

殿中侍御史二員在兩省  
班之南各少却東西相向舍

人二員各立其後

左同殿中侍御史覺察訖復  
位右自外入覺察訖同出

知引進

司東上閣門官以下退立東階下對立舍人對立西階

下宣贊舍人退近南當庭中立舍人分引兩省官入次

舍人二員一員門外引三公以下及左班東入一員引

三少以下及右班西入殿庭東西相向立

以上至親王  
邊班並側宣

大遼國及高麗使副  
準此餘蕃國不側宣

揖躬宣贊舍人當殿通宰臣姓名

以下起居

三公通  
某官

舍人分引班首以下橫行北向

兩省  
官依

舊立

三公左輔在儀石之西北稍東太宰在其南次尚書

左丞次特進次六曹尚書左丞次特進次六曹尚書至

光祿大夫次六曹侍郎開封尹至大司成

開封尹以  
下稍空

次

太常卿至中大夫次殿中少監至中散大夫次七等少

卿至奉直大夫次尚書左右司員外郎至朝奉大夫次

六曹諸司員外郎至朝奉郎次太常丞至承議郎次開  
封知縣至奉議郎次太史局正至通直郎又在其南御  
史大夫在光祿大夫之東中丞在其南次侍御史監察

御史又在其南太子三師在御史大夫之東

與執政  
官班齊

太

子三少在其南次賓客詹事次左右庶子以下又在其  
南每等重行異位並北向西上三少右弼在儀石之北  
稍西少宰在其南次尚書右丞次大尉節度使次節度  
觀察留後觀察使次防禦使次團練使次刺史又在其

南每等重行異位並北向東上門下侍郎在尚書左丞  
 之東左散騎常侍在其東次給事中左諫議大夫次起  
 居郎左司諫符寶郎左正言又在其東每等重行異位  
 並西向北上在中書左丞之西右散騎常侍在其西次  
 中書舍人右諫議大夫次起居舍人右司諫正言又在  
 其西每等重行異位並東向北上宣贊舍人揖左班近  
 前自班後詣東階下立

門下中書侍郎押班並立左丞  
 西餘官押班止依並垂拱殿四

此參準

引班舍人班前對立揖躬東上閣門官贊拜班首



以下大起居訖揖宰相執政官分東西升殿樞密直學士下殿出

贊拜東上閣門官還立位引班舍人退餘官分出次兩

省官出次殿中侍御史對揖出有失儀彈奏知引進司東上

閣門官以下還侍立位次引見謝辭班宣奏贊對舍人

稍南相向立進奉自西入陳於殿庭列定贊文武常起

居訖牽馬者不拜門下侍郎於折檻東西向立對立舍人當

殿躬奏某官姓名進奉訖復對立位諸蕃國云某國進奉門下侍

郎曰進奉出還侍立位文武應諾員僚引進奉從東側

門出宣對立舍人復位合班躬奏無事卷班西出皇帝  
降座鳴鞭知引進司東上閣門官以下並奏班出皇帝  
復御垂拱殿三省樞密及百僚奏事如儀舍人一員立  
殿門屏東俟班退南陛階下直身奏閣門無公事皇帝  
降座還內

政和五禮新儀卷一百四十

欽定四庫全書

政和五禮新儀卷一百四十一

賓禮

垂拱殿四參儀

垂拱殿皇帝將出宮讀奏目官以下橫行序立如望參儀東上閣門附內侍進班齊牌皇帝出宮守踏道行門禁衛諸班親從迎駕自贊常起居皇帝御垂拱殿坐鳴鞭讀奏目官宣贊引班對立舍人簿書官覺察失儀提

點使臣常起居

讀奏目官升  
降自東階

次知內侍省事以下

知內侍省

事以下起居訖於東朵殿侍  
立至宰臣執政官升殿退

次御前忠佐馬步軍都軍

頭以下次殿前都指揮使至諸軍副指揮使次駙馬都

尉

係正任即  
歸本班

次在內王府官

該級宰相班者  
即出赴外班

次殿前諸

司軍員僚次宗室將軍以下並逐班面西立俟班到橫

行起居行門指揮使起居訖引樞密以下大班就位知

同知簽書樞密院事在儀石之南北向東上知同知入

內內侍省事在樞密之東南知客省事至知西上閣門

事在其南次簽書客省事至簽書西上閣門事次閣門  
通事舍人次閣門祇候次看班祇候又在其南六尚局  
勾管官在同知入內內侍省事之東典御在其南奉御

又在其南殿中省主簿在奉御之南稍西

與通事舍人班齊

內

符寶郎在簽書客省事之西在內監臨及殿庭祇應通  
侍中侍中衛左武大夫在知樞密院事之南稍東武功  
大夫在其南次武功郎次敦武郎次從義忠訓成忠郎  
又在其南中亮拱衛左武郎在左武大夫之東稍却每

等重行異位並北向西上觀文殿大學士學士資政殿

大學士翰林學士承旨翰林學士資政端明殿學士龍

圖閣學士在簽書樞密院事之西南觀文殿學士以下  
稍却翰林學士承

旨以下  
又稍却直學士在其南與知入內內  
侍省事班齊侍制又在其南樞

密都承旨直學士之西承旨在其南次副都承旨次

副承旨諸房逐房副承旨又在其南在內監臨及殿庭

祇應正侍中亮拱衛左武大夫在簽書樞密院事之南

稍西武德大夫至武翼大夫在其南次武德郎至武翼

郎次修武郎次秉義忠翊保義郎又在其南中衛右武  
郎在右武大夫之西稍却翰林天文保義郎又在其南  
中衛右武郎在右武大夫之西稍却翰林天文在保義  
郎之西每等重行異位並北向東上宣贊舍人立班前

西向揖樞密以下躬通班常起居訖

如連假三日以上即大起居

樞

密自西階升殿侍立知東上閣門官以下殿庭東西向  
侍立宣贊舍人各歸位餘官分班出次東上閣門官引

親王就位退

如大起居揖而出若殿上傳旨起居即親王以下至馬步軍員僚並常起居

次

馬步軍都指揮使至諸軍副指揮使次開府儀同三司

宗室在班前別班入次馬步軍員僚起居訖三公以下文武百僚

門外序班立定先殿中侍御史入側宣大起居訖分班

歸覺察位殿中侍御史二員在兩省班之南少却東西相向舍人二員各立其

後左同殿中侍御史覺察訖復位右自外入覺察訖同出復其位向知東上閣門官以

下退立東階下對立舍人退立西階下宣贊舍人退近

南當庭中立舍人分引兩省官入次舍人二員一員門

外引三公以下及左班東入一員引三少以下及右班



西入殿庭東西相向立揖躬宣贊舍人當殿通宰相姓

名以下起居

三公通某官

舍人分引班首以下橫行北向

兩省

官依舊立

三公左輔在儀石之北稍東太宰在其南尚書左

丞又在其南特進在儀石之南六曹尚書在其南次六

曹侍郎開封尹殿中監大司成

開封尹以下稍空

次太常卿至

秘書監次殿中少監至秘書少監次七等少卿至都水

使者次尚書左右司員外郎至開封府左右司錄次六

曹諸司員外郎至殿中丞又在其南御史大夫在光祿

大夫之東中丞在其南侍御史監察御史又在其南太

子三師在御史大夫之東

與執政官班齊

太子三少在其南

與尚

書班齊

次賓客詹事次左右庶子以下又在其南每等重

行異位並北向西上三少右弼在儀石之北稍西少宰

在其南尚書右丞又在其南太尉在儀石之南稍西節

度使在其南次節度觀察留後觀察使次防禦使次團

練使次刺史又在其南每等重行異位並北向東上門

下侍郎在左丞之東左散騎常侍在其東次給事中左

諫議大夫次起居郎左司諫符寶郎左正言又在其東  
每等重行異位並西向北上中書侍郎在右丞之西右  
散騎常侍在其西次中書舍人右諫議大夫次起居舍  
人右司諫右正言又在其西每等重行異位並東向北  
上宣贊舍人引左班近前自班後詣東階下立引班舍  
人班前對立揖躬東上閣門官贊拜班首以下大起居  
訖揖宰相執政官令東西升殿贊拜東上閣門官還立  
位引班舍人退餘官分出次兩省官出次殿中侍御史

對揖出有失儀次三省樞密院奏事次知東上閣門官

彈奏

以下還侍立位次引見謝辭班絕知東上閣門官以下並退如有進奉宣贊舍人少退近南舍人引進奉西入對立定揖文武躬員僚奏聖躬萬福贊各祇候員僚引進奉當殿過東出宣贊對立舍人分東西出三省樞密及臣僚奏事畢舍人一員立殿門屏東俟班退南階下直身奏閣門無公事皇帝降座鳴鞭

政和五禮新儀卷一百四十一

欽定四庫全書

政和五禮新儀卷一百四十二

賓禮

紫宸殿日參儀

垂拱殿皇帝將出宮讀奏目官以下橫行序立如望參  
儀東上閣門附內侍進班齊牌皇帝出宮守踏道行門  
禁衛諸班親從迎駕自贊常起居皇帝垂拱殿坐鳴鞭  
讀奏目官宣贊引班對立舍人簿書官覺察失儀提點

使臣常起居

讀奏目官升  
降自東階

次知內侍省事以下次御前

忠佐馬步軍都軍頭以下次殿前都指揮使至諸軍副

指揮使次駙馬都尉

係正任即  
歸本班

次在內王府官次殿前

司諸軍員僚次宗室將軍以下各逐班先面西立俟班

到橫行起居次行門指揮使起居次舍人南階下直身

奏班絕皇帝降座鳴鞭詣紫宸殿後幄排立諸班親從

迎駕自贊常起居初垂拱殿起居班將畢紫宸殿樞密

以下大班入就位知同知簽書樞密院事在儀石之南

北向東上吏部戶部禮部尚書在知樞密院事之南稍  
東侍郎在其南在內監臨通侍中侍中衛左武大夫又  
在其南中亮拱衛左武郎在左武大夫之東稍却左散  
騎常侍在禮部尚書之東給事中左諫議大夫在其南  
起居郎在其南開封尹大司成在左諫議大夫之東知  
同知入內內侍省事在大司成之東知客省事至知西  
上閣門事在其南次簽書客省事至簽書西上閣門事  
次閣門通事舍人次閣門祇候次看班祇候又在其南

殿中監在同知入內內侍省事之東殿中少監在其南  
次殿中丞次殿中省主簿又在其南六尚局勾管官在  
殿中監之東典御在其南奉御又在其南太子三師在  
六尚局勾管官之東與執政  
官班齊太子三少在其南次賓客  
詹事以下又在其南每等重行異位並北向西上兵部  
刑部工部尚書在簽書樞密院之南稍西侍郎在其南  
內監臨正侍中亮拱衛在右武大夫之西稍却右散騎  
常侍在工部尚書之西中書舍人右諫議大夫在其南



起居舍人又在其南御史大夫在右散騎常侍之西中丞在其南侍御史又在其南觀文殿大學士學士資政殿大學士翰林學士承旨翰林學士資政端明殿學士

龍圖閣學士在御史大夫之西觀文殿學士資政殿大學士稍前

士又直學士在其南侍制又在其南樞密都承旨直

學士之西承旨在其南次副都承旨次副承旨諸房逐

房副承旨又在其南每等重行異位並北向東上在內

監臨并殿庭祇應武功大夫在殿庭之內武功郎在其

東次敦武郎次從義忠訓成忠郎又在其東每等重行  
異位並西向北上在內監臨并殿庭祇應武德大夫至  
武翼大夫在殿庭之西武德郎至武翼郎在其西次修  
武郎次秉義忠翊保義郎又在其西每等重行異位並  
東向北上翰林天文在殿庭南稍西北面宣贊舍人在  
班前西向對立舍人在班前東向東上閣門附內侍進  
班齊牌皇帝御紫宸殿坐鳴鞭宣贊對立舍人揖樞密  
以下躬皆北向通班常起居訖

如連三日假以上及朔  
望直做次日即大起居

再鳴鞭樞密并樞密直學士自西階升殿侍立知引進

司東上閣門官以下殿庭東西向侍立宣贊對立舍人

各復位餘官分班出次東上閣門官引親王就位揖躬

退如大起居揖而出若殿上傳旨起居即親王以下馬步軍員僚並常起居次馬步軍都指

揮使至諸軍副指揮使次開府儀同三司次太尉次節

度使上將軍特恩內殿起居次節度使後入次節度觀察留後觀察使特恩

綴節度使班者稍却次防禦團練使刺史宗室本班前別班入特恩綴別班者稍却次

馬步軍員僚次引見謝辭班次三公三少左輔右弼太

宰少宰門下中書侍郎尚書左右丞

以上逐班並側宣

起居訖

贊上殿并升東階樞密直學士下殿出

宣贊對立舍人稍南相向立進奉

自西入當殿庭列定贊文武常起居訖

牽馬者不拜

門下侍

郎於折檻東西向立對立舍人當殿躬奏某官姓名進

奉訖復對立位

諸蕃國云某國進奉

門下侍郎曰進奉從東側門

位文武應諾員僚引進奉從東側門出宣贊對立舍人

復位合班躬奏閣門無事卷班而出皇帝復御垂拱殿

三省樞密及臣僚奏事如儀舍人一員立殿門屏東俟

班退南階下直身奏閣門無公事皇帝降座還內

政和五禮新儀卷一百四十二

欽定四庫全書

政和五禮新儀卷一百四十三

賓禮

垂拱殿日參儀

垂拱殿皇帝將出宮讀奏目官以下橫行序立如望參  
儀東上閣門附內侍進班齊牌皇帝出宮守踏道行門  
禁衛諸班親從迎駕自贊常起居皇帝御垂拱殿坐鳴  
鞭讀奏目官宣贊引班對立舍人簿書官覺察失儀提

點使臣常起居

讀奏目官升  
降自東階

次知內侍省事以下

知內侍省

事以下起居訖於東朵殿侍  
立至三省樞密院升殿退

次御前忠佐馬步軍都軍

頭以下次行門指揮使起居如傳宣前殿不坐俟行門

指揮使起居訖引班對立舍人二員引三公以下文武

官分東西以次入三公左輔在儀石之北稍東太宰在

其南門下中書侍郎尚書左右丞又在其南吏部戶部

禮部尚書在儀石之南稍東侍郎在其南左散騎常侍

在禮部尚書之東給事中左諫議大夫在其南起居郎



又在其南

與起居舍人輪入

開封尹大司成在左諫議大夫之

東知同知入內內侍省事在大司成之東知客省事至

知西上閣門事在其南次簽書客省事至簽書西上閣

門事次閣門通事舍人次閣門祇候次看班祇候又在

其南殿中監在同知入內內侍省事之東殿中省少監

在其南次殿中丞次殿中省主簿又在其南六尚局管

勾官在殿中監之東典御在其南奉御又在其南太子

三師在六尚局管勾官之東

與執政官班齊

太子三少在其南

賓客詹事以下又在其南在內監臨并殿庭祇候應通  
事中侍中衛左武大夫在吏部郎中南次武功大夫次  
武功郎次敦武郎次從義忠訓成忠郎又在其南中亮  
拱衛左武郎在左武大夫之東稍却每等重行異位並  
北向西上三少右弼在儀石之北稍西少宰在其南知  
同知簽書樞密院事又在其南兵部刑部工部尚書在  
儀石之南稍西侍郎在其南右散騎常侍在工部尚書  
之西中書舍人右諫議大夫在其南起居散舍人又在

其南御史大夫在右散騎常侍之西中丞在其南侍御  
史又在其南觀文殿大學士學士資政殿大學士翰林  
學士承旨翰林學士資政端明殿學士龍圖閣學士在

御史大夫之西

觀文殿學士資政殿大學士  
稍前觀文殿大學士又稍前

直學士在

其南侍制又在其南樞密都承旨直學士之西承旨  
又在其南在內監臨并殿庭祇應正侍中亮拱衛右武  
大夫在兵部侍郎之南次武德大夫至武翼大夫次武  
德郎至武翼郎次修武郎次秉義郎忠翊保義郎又在

其南翰林學士天文在保義郎之西中衛右武郎在右

武大夫之西稍却每等重行異位並北向東上宣贊舍

人在班前西向對立舍人在班前東向通班常起居訖

對立舍人西出如連假三日以上及朔望俱假次日即大起居三省樞密分東

西升殿奏事三省樞密如不奏事至殿上侍立位即退知東上閣門官以下

殿庭東侍立餘官分出次東上閣門官引親王就退位

如大起居揖而出若殿上傳宣常起居即親王以下至馬步軍員僚並常起居次殿前都指揮

使至諸軍副指揮使次開府儀同三司次殿前司諸軍

員僚次太尉次節度使

上將軍特恩內殿起居訖次節度使後入

次節度觀

察留後觀察使

特恩綴節度使班者稍却

次馬步軍都指揮使次諸

軍副指揮使次防禦團練使次刺史次宗室將軍以下

宗室

本班前別班入特恩綴別班者稍却

次駙馬都尉

係正任者依本班

次在內王府

官次見謝辭班絕知東上閣門官以下退如有進奉

宣贊舍人特南對立舍人引進奉西入對立定揖文武

躬員僚奏聖躬萬福贊各祇候員僚引進奉當殿過東

出宣贊對立舍人分東西出三省樞密及臣僚奏事訖

舍人一員立殿門屏東俟班退南階下直身奏閣門無  
公事皇帝降座鳴鞭

政和五禮新儀卷一百四十三